

Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut pisortanit ikiorsiissutit pillugit allannguuteqaqqullugit, taamaalilluni namminerisamik illuutillit aammalu inissianik piginneqatigiillutik pigisallit pisinnaatitaaffigilissagaat pisortanit ikiorsiissutinik ikiorneqarsinnaanngortillugit, kræfteqarlutik nappaateqarnertik ilutigalugu katsorsagassanngoraangamik naliginnarmik akissarsionertik unikkallaraangat sulisinnaajunnarnertik pissutigalugu. Nalunaarusiami erseqqissarneqassaaq ajornartorsiut qanoq isikkoqarnerseq aammalu qanoq ikiortarialiunersut taamatut pisinnaatitaaffilissapata. Nalunaarusiaq UKA2021-mi saqqummiunneqassaaq.

(Inatsisartunut ilaasortaq Erik Jensen, Siumut)

Akissuteqaat

(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)

Siullermeerneqarnera

Aalajangiiffigisassatut siunnersuummut naleqquttumut matumunnga Naalakkersuisut qujapput.

Innuttaasut nappaammik piffissami sivisunerusumi nappaammik eqqorneqartut taamaattumillu sulinertik isumagisinnaanagu isumagineqartariaqartut Naalakkersuisut isumaqataapput.

Pisortanit ikiorsiisarnermut aaqqissuussinermik aaqqissuusseqqinneq, 2021-mi saqqummiunneqartussaq, Naalakkersuisut ingerlatileruttorpaat.

Aaqqissuusseqqinnermut aallaaviusseqqinneq, innuttaasut tamarmik akisussaaffeqarnerat aamma ima annertutigisumik imatullu ilapittuuteqaassasut, tamanna ataasiakkaanut ajornassanani. Innuttaasut sulisinnaasut ilinniarsinnaasulluunniit pisortanit ikiorsiissutinik tigusaqartassanngillat. Peqatigitillugu innuttaasunut nammineersinnaanngitsunut aningaasatigut isumannaannissamut sunniuteqarluassaaq.

Pisortat pilersuinnermut aaqqissuussinerisa ataatsimut sunniuteqarluarnissaat, taamaalilluni peqatigiinnermut ajornartorsiutit pinngitsoortinneqarlutik, tamanna Naalakkersuisunut pingaaruteqarpoq. Taamaattumik aaqqissuusseqqinnermut ataqatigiissumut anginerusumut uagutsinni inuiaqatigiinni imminut pilersornerup annerulersinnissaa pillugu pisortanit ikiorsiissutit aaqqissuuteqqinneqarnerat ilaavoq.

Pisortanit ikiorsiissutit aamma suliffeqanngikkallarnermi ikiorsiissutit pillugit aaqqissuusseqqinnermut pisortanit ikiorsiissutit aaqqissuuteqqinneqarnerat ataqatigiissaarneqarpoq. Aaqqissuussinerit taakkua marluusut aaqqissuussanermikkut avissarutaat malunnartumik allanngussaaq.

Pisortanit ikiorsiissutinik pisartagallit pingaarnertut tassaassapput innuttaasut sulinissamut piariinnginnerminni unammillernartunik arlalinnik suliasallit . Tamatuma aningaasatigut ikiorsiissutit malinnaaviginissaannut kiisalu innuttaasut ataasiakkaat sulilernissaannut imaluunniit suliffeqarnermut qanillattuinnissaannut tapersorsornissaannut suliniuteqarnermi suliamut tunngasunut angusassamik toraagaqarsinnaalersippaatigut.

Ullumikkut innuttaasut sivisuumik napparsimasut pisortat pilersuinnermut aaqqissuussinerannit unammilligassaqarsinnaasartut Naalakkersuisut arajutsisimannngilaat. Innuttaaqatigiit taakkua

aaqqissuussinernut ilaatinneqarnissaat, sulisinnaajunnaarallarnermi nammineq angerlarsimaffimmini najugaqaannarnissamut pitsaanerumik periarfissinneqarnissaat Naalackersuisunit kissaatigineqarpoq. Pisuni ilungersunartuni, suliffeqarnermut uternissaq neriunaateqanngitsoq ilimagineqarpat, innuttaasut nutaamik inuuneqalernissatik pillugu aaqqissuussinissamut piffissaqartinneqartariaqartut.

Kommunit sulisartoqarnermullu tunngasunit peqataasut aaqqissusseqqinnermi peqataatinneqartut aaqqissusseqqinnernullu tunngaviusut tapersorsorlugit oqaatigisimavaat,

Oqaaseqaatit siulianiittut tunngavigalugit Naalackersuisut matumuuna allannguutissatut siunnersuummik imaattumik saqqummiiniarput:

”Innuttaasut siviisuumik napparsimaneq pissutigalugu nalinginnaasumik akissarsiaarukkallartut pisortanit ikiorsiissutit pillugit aaqqissusseqqinnermut aamma suliffeqanngikkallarnermi ikiorsiissutit pillugit nutaamik aaqqissusseqqinnermut ilanngunneqarnissaannik Naalackersuisut peqqunneqarnissaannik Inatsisartut aalajangiiffigisassaattut siunnersuut”.